



ACTA DA SESIÓN ORDINARIA DA XUNTA DE GOBERNO LOCAL REALIZADA O DÍA 24 DE SETEMBRO DE 2024

PRESIDENTA:

D.^a María Dolores Pan Lesta

ASISTENTES:

D. Juan González Leirós
D. Daniel Mallo Castro
D. Ramón Boga Moscoso
D.^a María Yolanda Díaz Baldomir
D. Raúl Varela Fraguío
D. Manuel Castro Uzal

INTERVENTORA MUNICIPAL:

D.^a Lucía Mata Rodríguez

SECRETARIA XERAL:

D.^a Pilar María Pastor Novo

No despacho de Alcaldía do Concello de Cambre (A Coruña), sendo as nove horas e un minuto do día vinte e catro de setembro do ano dous mil vinte e catro, reúnese a Xunta de Goberno Local, en primeira convocatoria, co obxecto de celebrar sesión ordinaria baixo a Presidencia da Sra. alcaldesa, D.^a María Dolores Pan Lesta, e coa asistencia dos/as Sres./as concelleiros/as: D. Juan González Leirós, D. Daniel Mallo Castro, D. Ramón Boga Moscoso, D.^a María Yolanda Díaz Baldomir, D. Raúl Varela Fraguío e D. Manuel Castro Uzal.

Asiste á sesión a interventora municipal, D.^a Lucía Mata Rodríguez, e actúa como secretaria a secretaria xeral do Concello, D.^a Pilar María Pastor Novo, que dá fe do acto.

A Presidencia, tras comprobar nos termos expostos que se dá o quórum legalmente esixido polo artigo 133.1.b) do Regulamento orgánico municipal para a válida celebración das sesións, declara aberta a sesión, pasándose ao estudo e exame dos asuntos incluídos na orde do día da convocatoria.

1.- APROBACIÓN, SE PROCEDE, DO BORRADOR DA ACTA DA SESIÓN ORDINARIA DO DÍA 17 DE SETEMBRO DE 2024

De conformidade co preceptuado nos artigos 108.2 e 133.4 do ROM, a Presidencia pregunta se existe algunha obxección ou observación á acta da sesión ordinaria celebrada en data 17 de setembro de 2024, da que se entregou copia coa convocatoria desta sesión, e non producíndose ningunha, pola Presidencia sométese a votación ordinaria a súa aprobación, sendo aprobada por unanimidade dos/as Sres./as concelleiros/as asistentes á sesión.

Á vista do resultado da votación, declárase aprobada a acta da sesión ordinaria realizada en data 17 de setembro de 2024.

2.- BOLETÍNS E CORRESPONDENCIA

De orde da Presidencia, a secretaria xeral dá conta aos asistentes á Xunta de Goberno Local das seguintes publicacións:

- Consellería de Educación, Ciencia, Universidades e Formación Profesional, Resolución do 10 de setembro de 2024, da Dirección Xeral de Ordenación e Innovación Educativa, pola que se establece o calendario para a realización de eleccións de membros dos consellos escolares de centros docentes sostidos con fondos públicos. DOG número 180, do 18-09-2024.



- Consorcio As Mariñas, anuncio de aprobación inicial do padrón fiscal da taxa pola recollida de residuos sólidos urbanos correspondente ao segundo trimestre do ano 2024, que rexerá para o Concello de Cambre. BOP número 181, do 19-09-2024.

- Consellería de Emprego, Comercio e Emigración, Orde do 11 de setembro de 2024 pola que se establecen as bases que regulan as axudas e subvencións para o fomento do emprego a través dos programas de cooperación no ámbito de colaboración coas entidades locais para a prórroga na contratación de axentes de emprego e desenvolvemento local, e se procede á súa convocatoria para o ano 2024 (código de procedemento TR351B). DOG número 184, do 24-09-2024.

3.- INFORME DAS RESOLUCIÓNS DITADAS POLA ALCALDÍA E CONCELLERÍAS DELEGADAS DE ÁREA DENDE A ANTERIOR XUNTA DE GOBERNO LOCAL

A Presidencia dá conta á Xunta de Goberno Local das resolucións ditadas pola Alcaldía e concellerías delegadas de área dende o día 13 ao 19 de setembro de 2024, que comezan coa resolución da concelleira delegada da Área de Servizos Sociais e Recursos Humanos núm. 1091/2024 e rematan coa resolución da concelleira delegada da Área de Servizos Sociais e Recursos Humanos núm. 1117/2024, segundo se relacionan a continuación:

Nº decreto	Data sinatura	Asunto
1091/2024	13-09-2024	Nomear a AFS informadora xuvenil interina, encadrada na escala de Administración especial, subescala servizos especiais, clase cometidos especiais, pertencente ao subgrupo de clasificación profesional C2, adscrita á Oficina Municipal de Información Xuvenil (OMIX) por substitución transitoria da titular do posto dona SGC
1092/2024	13-09-2024	Convocar sesión ordinaria da Xunta de Goberno Local para o próximo martes día 17 de setembro de 2024, ás 9.00 horas, que terá lugar no despacho da Alcaldía da casa do concello
1093/2024	13-09-2024	Nomear a MDAR, conserxe interina encadrada na escala de administración xeral, subescala Subalterna, pertencente ao grupo "Outras Agupacións Profesionais sen requisito de titulación" e adscrito ao departamento de Deportes en substitución transitoria de don JEMT
1094/2024	12-09-2024	Conceder a KIMDS a axuda económica de emerxencia social para alimentación básica e hixiene persoal, consistente en ata 6 vales nominativos A anuais por importe de 100 euros cada un deles, por tratarse dunha unidade familiar de 1 membro, durante o tempo restante ata cumprirse o máximo de 18 meses establecido na ordenanza reguladora
1095/2024	12-09-2024	Conceder a RCQR a axuda económica de emerxencia social para alimentación básica e hixiene persoal, consistente en ata 6 vales nominativos A anuais por importe de 100 euros cada un deles, por tratarse dunha unidade familiar de 1 membro, durante o tempo restante ata cumprirse o máximo de 18 meses establecido na ordenanza reguladora
1096/2024	16-09-2024	Convocar sesión ordinaria conxunta das Comisións Informativas Permanentes do Concello de Cambre para o xoves 19 de setembro de 2024, ás 11:00 horas, que terá lugar no salón de sesións da casa do concello



1097/2024	16-09-2024	<p>Modificar a solicitude de subvención aprobada por Resolución do concelleiro delegado da Área de Desenvolvemento Local, Deportes, Xuventude e Educación núm. 69/2024, do 26 de xaneiro, ao abeiro do disposto na Resolución do 27 de decembro de 2023, da Secretaría Xeral de Igualdade, pola que se estableceron as bases reguladoras para a concesión de subvencións destinadas ao fomento da contratación de mulleres que sofren violencia de xénero no ámbito de colaboración coas entidades locais galegas e se procede á súa convocatoria para o ano 2024, para adaptala ao crédito orzamentario máximo dispoñible comunicado pola Dirección Xeral de Loita contra a Violencia de Xénero, Consellería de Política Social e Igualdade.</p> <p>A contratación formalizarase para a realización de traballos de auxiliar administrativa no departamento de Réxime Interior cun orzamento total de 24.184,50 €</p>
1098/2024	16-09-2024	Delegar no concelleiro Daniel Mallo Castro a competencia para recibir o consentimento na celebración do matrimonio de OEFP e MJVC
1099/2024	16-09-2024	Delegar no concelleiro Daniel Mallo Castro a competencia para recibir o consentimento na celebración do matrimonio de BCBG e JLPF
1100/2024	16-09-2024	Resolución de inicio de procedementos sancionadores de tráfico por importe total de 400,00 euros
1101/2024	16-09-2024	Delegar na concelleira María Yolanda Díaz Baldomir a competencia para recibir o consentimento na celebración do matrimonio de RPV e RAR
1102/2024	16-09-2024	Resolución de estimación de alegacións presentadas a procedemento sancionador de tráfico
1103/2024	17-09-2024	Resolución de inicio de procedementos sancionadores de tráfico por importe total de 600,00 euros
1104/2024	17-09-2024	Resolución de inicio de procedementos sancionadores de tráfico por importe total de 480,00 euros
1105/2024	17-09-2024	Adxudicar o contrato menor a Berrobambán, S.L., por importe de 484,00 € (IVE incluído) do servizo consistente na actividade de animación á lectura "Contos de sapos, bruxas e curuxas", a cargo de Berrobambán S.L. e levada a cabo por Paula Carballeira o 18 de setembro de 2024 ás 17:30h na Biblioteca Central María Pita, dentro do programa de animación á lectura cofinanciado pola Xunta de Galicia a través do programa LER CONTA MOITO 2024.
1106/2024	17-09-2024	Avocar a competencia delegada na Xunta de Goberno Local para aprobar o expediente para a contratación dunha póliza de seguro de accidentes para os participantes nas actividades organizadas polo Concello de Cambre (exped. TEDeC núm. 2024/C006/000006, a través da Central de Contratación da Federación Española de Municipios e Provincias (FEMP), cun orzamento anual de licitación de 30.000,00 euros
1107/2024	18-09-2024	Convocar proceso para a selección en réxime laboral temporal de tres traballadores/as; un operario peón, un operario conductor e un oficial albanel para a execución das obras e servizos aprobados por resolución núm.19/2024 do día 11 de xaneiro do concelleiro delegado da área de Desenvolvemento Local, Deportes, Xuventude e Educación e subvencionados por Resolución núm.2024/4824, de 8 de febreiro do



		presidente da Deputación publicada no BOP núm 31 do 12/02/2024. Aprobar as bases reguladoras da convocatoria.
1108/2024	18-09-2024	Avocar a competencia delegada na Xunta de Goberno Local para declarar desertos os Lotes 1, 3, 6, 7 e 8 da contratación das "Actuacións necesarias para a montaxe do evento Open Science Cambre no ano 2024" (expediente TEDeC núm. 2024/C005/000009).
1109/2024	18-09-2024	Adxudicar o contrato menor a David Pernas Lázaro, por importe de 375,00 € (IVE incluído) para o servizo consistente na actividade de animación á lectura "Cueiros de cores", a cargo de TrinkeTrinke Teatro [David Pernas Lázaro] o 26 de setembro de 2024 ás 18:30 h na Biblioteca Municipal Os Templarios, dentro do programa de animación á lectura cofinanciado pola Xunta de Galicia a través do programa LER CONTA MOITO 2024
1110/2024	18-09-2024	Adxudicar o contrato menor a Eva María Agra García, por importe de 350,00 € (IVE incluído) para o servizo consistente na actividade de animación á lectura "Zinética", a cargo de Komorevi [Eva María Agra García] o 27 de setembro de 2024 ás 17:30h na Biblioteca Xabier P. Docampo, dentro do programa de animación á lectura cofinanciado pola Xunta de Galicia a través do programa LER CONTA MOITO 2024.
1111/2024	18-09-2024	Adxudicar o contrato menor a Grupo Trémola S.L., por importe de 350,00 € (IVE incluído) para o servizo consistente na actividade de animación á lectura "Leo e a música", a cargo do Grupo Trémola S.L. o 19 de setembro de 2024 ás 18:30h na Biblioteca Municipal Os Templarios, dentro do programa de animación á lectura cofinanciado pola Xunta de Galicia a través do programa LER CONTA MOITO 2024.
1112/2024	18-09-2024	Adxudicar o contrato menor a Raquel Senra Fernández, por importe de 300,00 € (IVE incluído) para o servizo consistente na actividade de animación á lectura "Contacontos en movemento: libros e ioga!", a cargo de Árbore azul [Raquel Senra Fernández] o 20 de setembro de 2024 ás 17:30h na Biblioteca Xabier P. Docampo, dentro do programa de animación á lectura cofinanciado pola Xunta de Galicia a través do programa LER CONTA MOITO 2024
1113/2024	18-09-2024	Adxudicar o contrato menor a Daniel Blanco Chapela, por importe de 330,00 € (IVE incluído) para o servizo consistente na actividade de animación á lectura "Bandullo, bochos e faragullas", a cargo de Dani Blanco [Daniel Blanco Chapela] o 25 de setembro de 2024 ás 17:30h na Biblioteca Central María Pita, dentro do programa de animación á lectura cofinanciado pola Xunta de Galicia a través do programa LER CONTA MOITO 2024.
1114/2024	18-09-2024	Rectificación dos apartados cuarto, sétimo e noveno da Resolución da Alcaldía nº 1108/2024, do 18 de setembro
1115/2024	19-09-2024	Aprobación do padrón do prezo público por actividades extraescolares en periodos vacacionais: "Campamento urbano de verán 2024" (1ª quenda: do 1 ao 12 de xullo de 2024, 2ª quenda: do 15 ao 31 de xullo de 2024, 3ª quenda: do 1 ao 14 de agosto de 2024 e 4ª quenda: do 19 ao 30 de agosto de 2024)
1116/2024	19-09-2024	Aprobar o expediente de transferencia de crédito número 5/2024 por un importe de 6.000,00 euros, da aplicación orzamentaria "326 48100 Becas



		de estudio y libros educación” á aplicación orzamentaria “326 78000 A familias e institucións sin ánimo de lucro”
1117/2024	19-09-2024	Conceder a MEOB a axuda económica de emerxencia social para alimentación básica e hixiene persoal, consistente en ata 6 vales nominativos A anuais por importe de 100 euros cada un deles, por tratarse dunha unidade familiar de 2 membros, durante o tempo restante ata cumprirse o máximo de 18 meses establecido na ordenanza reguladora

4.- ASUNTOS SOBREVIDOS

Non se tratou ningún asunto sobrevido.

5.- ROGOS E PREGUNTAS

Non se formula ningún/ningunha.

E non existindo máis asuntos dos que tratar, a Presidencia levanta a sesión, sendo as nove horas e dous minutos do mencionado día, estendéndose para a debida constancia a presente acta, do que eu, secretaria xeral, dou fe.

Visto e praxe

A presidenta

María Dolores Pan Lesta

A secretaria xeral

Pilar María Pastor Novo